



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Protocol

Radunanza cumünala dals 12.11.2014

Presidi: Peer-Puorger Victor
Preschaint: 44 votantas e votants
S-chüsà: Gertrud e Mias Camastral, Andrea Pua
Scrutinadurs: Martin Bischoff ed Erich Caviezel
Protocol: Luzzi-Barblan Georg

tractandas	tema	responsabel
11	011 Legislativa Acconsentimaint protocol	
12	830 Turissem Contrat da dret da fabrica ChillyHub	
13	800 Alps e pas-chs Uorden champester e da pasculaziun	
14	140 Pumpiers e pulizia da fò Ledscha da pumpiers	
15	011 Legislativa Varia (radunanza cumünala)	

011 Legislativa
 11 **Acconsentimaint protocol**

Il protocol dals 25.06.2014 vegn approvà.

830 Turissem
 12 **Contrat da dret da fabrica ChillyHub**

Il capo declera sco chi'd es gnü ad üna collavuraziun tanter la ditta Yask SA, possessur dal restorant « ChillyHub », ed il motiv da la müdada da Sent a Ramosch. La dumonda da fabrica es gnüda inoltrada e publichada. Subit cha la radunanza cumünala da l'acconsentimaint pel contrat da dret da fabrica po gnir cumanzà cullas lavurs.

Il capo preschainta il contrat da dret da fabrica. El declera artichel per artichel. Las votantas e votants vöglian gnir infuormats a regard il dret da precumprita e la procedura pro üna vendita da la parcella. Clà Nogler, dal uffizi fundiari, piglia il pled ed infuorma cha be pro üna vendita dal terrain, vegn in vigur il dret da precumprita, uschigliö nöa.

Il contrat da dret da fabrica culla ditta Yask SA vegn fat bun cun gronda majorità.

800 Alps e pas-chs
 13 **Uorden champester e da pasculaziun**

Uorden champester

Armon Mayer, il suprastant respunsabel piglia posiziun e declera l'elavuraziun dal uorden champester e da pasculaziun. Il capo repassa tuot ils artichels e tils declera. Ouravant fa el la proposta da strichar il artichel 1 l'alinea 1 e tilla integrar il l'alinea 2. talla ha alura nom:

« Trafichar illa prada d'ürant il temp da vegetaziun dals 1. mai fin als 30 settember a pè o cun veiculs da tuot gener es scumandà per na autorisats. Il rest dal temp pon ils bains gnir frequentats be in cas motivats. »

La radunanza accepta unanim il uorden champester.

Uorden da pasculaziun

Il capo repassa il uorden da pasculaziun. Divers mettan in dumonda l'artichel 3 alinea 1. Il capo ed eir Armon Mayer decleran ils avantachs da quista regulaziun. Jachen Andrighetti e Dumenic Luzzi sun da l'avis chi nu fa dabsögn da quist artichel, la coordinaziun dess seguir tanter ils possessurs els paurs chi vöglian laschar pascular sül terrain privat. La radunanza decida cun 32 cunter 5 vuschs per laschar e nö strichar il surmanzunà artichel, alinea 1.

Pro l'artichel 6 ; dovairs da la società d'agricultura, vegn mis in dumonda la realisaziun da saivs stablas e moviblas. Il manader tecnic po da sclerimaint che chi sun las prescripziuns in vicinanza da las funtanas d'aua dal cumün.

Per finir vegn eir discutà a regard l'artichel 9 chi prescriba l'allontanamaint da fils electrici sùls pas-chs. Eir quia po il capo declerar la situaziun ed il maniamaint.

La radunanza accepta unanim il uorden da pasculaziun.

L'aggiunta al uorden champester e da pasculaziun

L'aggiunta es gnüda preparada da perits. Talla es eir gnüda discutada in differents gremis e societats. La comunicaziun nun ha però funcziunà dapertuot. Pro'l cumün sun entradas differentas dumondas. Tenor il capo füssa uossa sbaglià a far müdamaints our dal ravuogl, impustüt causa chi's nun es infuormà in detagl. La direziun cumünala suottametta perquai la proposta da trattar quist'aggiunta pür ad üna prosma radunanza cumünala. La radunanza decida unanim da refüsar l'aggiunta e tilla laschar surlavurar. Claudio Andry giavüscha chi's dess sclerir giuridicamaing chi chi ha la cumpetenzza per decider sur d'üna simla aggiunta.

140 Pumpiers e pulizia da fö
14 Ledscha da pumpiers

Eir pro quista tractanda piglia il suprastant respunsabel Armon Mayer il pled ed infuorma sco chi'd es gnü a la realisaziun resp. elavuraziun. Il capo repassa ils artichels e tils declera. I seguan dumondas a regard l'artichel 4, 17 e 18. Il capo ed eir il suprastant Armon Mayer piglian posiziun. Jachen Andrighetti ha constatà chi vegn masdà il pled „reglamaint“ e „ledscha“. Il capo infuorma cha quist dess gnir corret. La radunanza cumünala acconsentischa unanim la ledscha da pumpiers pel cumün da Valsot.

011 Legislativa
15 Varia (radunanza cumünala)

Ingünas remarchas.

Il capo ingrazcha per la cumparsa e giavüscha a tuots üna bella saira.

7556 Ramosch, 14.11.2014

Il capo:

Il manader administraziun: